



坻場集目錄

詩

五言律詩

登西陵鎮海樓

宿顏道士房

過玉笥山房

送張肇叔還荊州

何山院獨坐

遊谷山寺

過陳守經遺宅

晚霽

瓜州晚渡

送陳司教之長沙

秋暮

宿富春

奉題朱宗伯池亭

送阮季韋之瓊州

幽居

魚臺道中

送道先習靜何山

作書詢倪生邈往

博城阻雨

自雲門歸東湛然師

郭外二首

晚過吳淞

丁孟涵江閣

送王君弼尉平原



荻港

自歎

送陳和之入蜀

和明宗法師酬任道遠惠菊

郊祀二首

佛手柑

江口

登叢山戒珠寺

初晴過陸伯禧山莊

洛中送章茂玄入蜀

送耶谿師隱居南山

金罍觀

攤書

道先隱居何山詩以志懷

煮蕁

睡

谿坐

送宗上人再往普陀



吳山晚望

有懷雲間唐叔英

題金伯洪桃溪

把釣

楚中有懷倪邇往

聞蛙

吾齋

過陳敏之水鋸山房

漂母祠

宿金山

子鴨

旅鴈

古松

怪松

長松

枯松

送白介父之雍州

和譚公詠田間菊

湖上

送王子明東歸

甘露寺

題倦繡圖

陳守經山莊

齋居

分柑

宿桂湖山莊

次蘆洲

隱園

送張延父入蜀

王莊

少女祠

登秦望山

經蕭山

楚夜

冬喜吹臺師過

悵立



彭城送徐宗岱之定陶

泛樵風涇尋馮大不遇飲范氏莊

步廣孝寺石橋

題劉幼玄幽居

送胡之復之楚

贈平觀法師

同劉迅侯飲宜園

任村

奉題黃葵陽學士池亭四首

入田

過山山精舍

泊京口

不至

東平旅泊

雨吟

夏口遇風

接倪雄般書



坻場集目錄

坻場集

會稽曾益著

五言律詩

登西陵望海樓

卮酒崇樓上憑軒晚眺孤  
濤聲雄壓海山氣霸臨吳  
入眼風雷變驚心歲月徂  
諸稽渡時鳥看又落平蕪  
宿顏道士房

秋山自蕭爽况復美林丘  
幾向仙家宿重爲桂樹留  
雞栖巖月曉猿飲澗泉秋  
始憶人間世勞勞何所求

過玉筍山房

蒿徑幽尋去雙扉忽自開  
庭閒邀鹿過谿嶮絕人來  
蘿影松間月泉香石上苔  
對茲成獨賞山鳥莫相猜  
送張肇叔還荊州

千林秋已暮送客思淒淒  
月峽荆門外星沙楚水西  
片帆將鴈落孤枕聽猿啼  
信宿瀟湘夜愁添烟樹迷  
坐何山院院在秦望東  
梁白衣尚書何胤宅

蒼松吹影盡猶是白衣居  
學井邀僧瀘秦峯購佛書  
鳥還春壑冷雲度曉林虛  
不語焚香坐谿山自漠如

遊谷山詩

盤迴望屢新百里躡嶙峍  
黃入河流細青涵岳氣春  
谷偏揆世遠寺冷覓僧親  
更履層崖去高松許結鄰  
過陳守經遺宅

斯人去不返泉壤有安居  
祇惜生時室唯餘手著書  
露香淹過蝶風影逐行魚  
擷芷憑誰薦停雲思黯如  
曉霽

曉霽石欄西晴光漏日微  
泥香新筍拆沙暖雜花肥  
小鳥啣蟲至妖蠶挾蕊飛  
閒居觀物候身世亦何依



瓜州晚渡

江路入瓜州奔忙萬里浮地開南北限天設古今流  
涉世嗟多險趨時負百憂扁舟晚偷渡不敢問沙鷗  
送陳司教之長沙

十年青髻改千里又何之行盡沙邊驛吟殘馬上詩  
荒城過客少多病冷官宜憶到三湘日雲山儘自奇

秋暮

城郭元無事山居卜更深卷簾成獨覺開帙恣幽尋  
豆子落秋澗鷗兒投暮林依依延首望衰颯最關心

宿富春

長天望轉賒水宿傍漁家月滿潮初上汀寒蓼未花  
苔磯臨浦濶沙路逐江斜忽憶秋風候扁舟臥若耶  
奉題朱宗伯池亭

怪石臨虛閣飛泉繞畫樓鱗波翔碧篠網戶綴朱榴  
芝擬仙麋獻雲俱睿藻流知公台鼎望肯許遂林丘  
送阮季韋之瓊州

故人辭我去言向五羊東截海天無際緣山路已窮  
鳥歌蠻瘴白花亞島烟紅只有青天月期君夜夜同



幽居

幽居寂靜兼白日照高簷  
瓶菊繁侵几庭梅清映簾  
濡毫臨閣帖漱齒讀楞嚴  
不作紅塵想多年夢亦恬  
魚臺道中

他鄉久飄泊此去到京華  
壯氣途中盡春寒馬上加  
土城風壓柳河縣雨崩沙  
處處村燈動遊人倍憶家

送道先習靜何山

卽慈雲寺址

適來尋地隱便爲貫山居  
苦竹鋤新路慈雲返舊廬  
扣鐘醒谷鳥施飯習池魚  
一偈香初盡觀心自寂如

作書詢倪生邇往

不惜緘書去故人湖水滑  
有懷如昨日相隔又經時  
芳艸歸來夢青山別後思  
徒勞延頸望愁絕隴梅枝  
博城阻雨

急雨壕飛白層波蕩漾流  
舟淹荒舶冷人斷古城秋  
疲馬羈空舍饑鷹困小丘  
躊躑望岐路進退祇吾憂  
自雲門歸東湛然師

沿谿山百轉一棹入雲門  
老樹重陰合危峯積翠繁  
暝烟松塔路春雨竹橋村  
問訊歸來步飛流送夕喧



郭外

杖策託幽尋蕭閒野外心  
市橋行處遠谿徑入來深  
藻密魚偷螿榆高蟬據吟  
日斜人不到一爲臥長林  
其二

出郭意自慙支藜身暫閒  
山風撩短髻江水畏衰顏  
夕嶼花孤發春塘鷗亂還  
蕭然謝塵鞅放浪百年間  
晚過吳淞

客行仍未返迴棹入三吳  
出水秋菰靜依沙夕鳥孤  
烟光生大泖寒色起平湖  
欲買村沽醉浴家問有無

丁孟涵江閣

江閣晴飛雨沙村水囓堤  
斷雲兼鴈小遠浦入天低  
楓葉商帆亂鱸香漁艇齊  
啣杯戀清景恍惚讓東西  
送王君弼尉平原

仙尉之官去都亭柳正繁  
驅車上壺口擁蓋泣平原  
雞犬齊風舊魚鹽管策存  
知君佐名邑黎庶挹春溫  
荻港

夜寒潮未落猶自宿滄洲  
水氣侵江白風聲帶雨秋  
沙禽喧客店汀葉冷漁舟  
一枕淒涼甚能無羈旅愁



自歎

飄泊閒鷗鳥棲遲老蠹魚平沙一竿釣長日幾編書  
秋葉關愁病閒蟲慰索居祇應理舟楫浮海去何如  
送陳和之入蜀

長江春正滿羨爾蜀中游巫峽諸峯小荆門萬水流  
輕舟遡瀨上古樹接天稠一入啼猿路依然動客愁  
和明宗法師酬任道遠惠菊

珍重幽人意貽來菊數莖晚燈看較澹秋寺種逾清  
風靜孤香發霜依冷豔生裁詩答彭澤因見遠公情

郊祀

蒲越傾朝醑蘭堂薦夕芳有牲陳繭栗維馨誦青黃  
玉輅三嚴發匏尊百鬼嘗回看鳳麟至知是答皇章  
其二

肆夏音聲遠三秋望秩多泥壇羅斗宿瑤澤列山河  
風雨含商至雷霆輯玉過因懷漢廷瑞天馬亦興歌  
佛手柑

香柑閩粵生佛手最知名白露釀方得黃金鑄豈成  
壓芳來市貴奪茗泛甌清翻笑西來士剝形太有情



江口

江口人爭渡皇皇欲暮時沙長行徑遠水緩去帆遲  
鴈影移蘆疾蟬聲託柳悲願瞻儔侶失益起故鄉思  
登叢山戒珠寺

名山帶城郭佛說戒珠尊萬瓦趨林麓雙松拱殿門  
攀躋人不絕采擷叢長存引頸秦峯北淒涼有斷魂

初晴過陸伯禧山莊

過雨翠交加行尋處士家千峯攜杖往一徑入谿斜  
水漫魚初孕谷寒桐始華高談未終夕衣袖染閒霞

洛中送章茂玄入蜀

掛瓢辭洛邑負笈入成都玉軫琴初奏銀壺酒漫沽  
山雲暗桐栢關月冷魚鳧千里重相憶知余夢不孤

送耶谿師隱居南山

世緣捐不有知子靜相便挈衲辭城市馱經入梵天  
風旛交瀑影雲笠煖茶烟谿晏松杉黑寥寥掩戶眠  
金壘觀

霞宇憑朱壑雲樓就碧巖庭香秋雨桂襟冷夜風杉  
丹竈封蛛網金書闕玉函毋論去人世祇喜隔塵凡



攤書

華戶晝常關優游十畝間  
雨昏山市散鷗落水村閒  
香飯炊菰熟清醑釀菊斑  
攤書隱鳥几一笑爲開顏  
道先隱居何山詩以志懷

伊人成間阻別後起予思  
末世交游苦一丘歸臥宜  
深谿閒鹿想虛閣冷松姿  
寂寞何山曲梅開又此時  
煮蓴

且喜鹽豉至尊絲耐可嘗  
細矜釵股滑熟煮野蘋香  
羊酪真堪敵鱸魚想或當  
秋風近蕭瑟此味有炎涼

睡

性癖俗寡台蹉跎還自知  
十年燈寂寞幾夜雨淒其  
松暝鶴歸嶼槿寒蟲訴籬  
寥寥秋又暮支枕復奚疑  
谿坐

林泉欣得暇世路暫辭喧  
采藥過花墅尋山到水源  
谿音警露鶴壁影掛藤猿  
寂寞坐忘返幽懷誰與言  
送宗上人再往普陀

幾年湖口住三渡海南春  
玉剖諸王藏金叅大士身  
花龕全隱霧龍刹半粧銀  
欲理慈航去從師一問津



吳山晚望

諸剎憑霞上  
旛幢縮勝開  
松梢疑路迫  
殿角擁峯迴  
湖黑春迷雨  
江喧晚送雷  
襟前辨吳越  
霸氣亦雄哉  
有懷雲間唐叔英

勿訝吳鄉遠  
微茫水自通  
故人千里隔  
清夢幾宵同  
鴈落菱湖月  
鱸肥松柳風  
思君愁日積  
每望一書空

題金伯洪桃溪

林棲選一丘  
景物自成幽  
徑倚天桃豔  
門環春水流  
晝長或吠犬  
谿杳不通舟  
試問花開謝  
漁郎得到不

把釣

秋潭堪悅目  
盡日坐苔磯  
試取長竿釣  
閒尋古樹依  
艸紅沙鴨冷  
霜白蓼蟲饑  
對此喧都寂  
孤吟忘却歸  
楚中有懷倪邈往

一從羈七澤  
三逕就荒蕪  
泉石空相憶  
琴尊祇自娛  
濕雲牕下岫  
殘月枕邊湖  
欲寄懷人夢  
天寒影倍孤  
聞蛙

雨霽群蛙動  
無他只亂鳴  
黃昏全部鼓  
青艸幾叢聲  
夜枕喧難避  
春燈觸自驚  
公私如有訴  
一一到天明



吾齋

吾齋頗冷落一半似禪房臥雨燈懸白行文墨放香  
經從佛子乞茶許韻人嘗霜後芭蕉爛袈裟破淺黃  
過陳敏之水鋸山房

閒園託幽寂緩步晚來過徑轉春流靜山舍夕照多  
松間開小酌花下答高歌邂逅懽無極傾杯不厭醜

漂母祠

淮水去潺潺荒祠託斯干蘆黃漁郭暮沙白漂磯殘  
齊幣千金易貧廚一飯難所施不望報可作婦人看

宿金山

拳石侵江出驚濤觸未休幾回衝絕險萬里束長流  
樹色連漁火沙光上梵樓懸燈清夜宿每憶世如浮

子鴨

子鴨乳花團兒童買得看唧唧尚懷母依依如畏寒  
風拂體仍露雨吹毛欲殘未能分黑白先用試清瀾

旅鴈

旅鴈亦何意哀鳴每赴群無書歸朔雪有字截衡雲  
水濶看如失蘆長愁更聞幾番風雨夜鄉思轉殷殷



古松

潑耳青濤細支眸赭骨香歲深腸作石夜探氣如羊  
皮斷續蟲字心剝立蟻鄉辛勤上巖竄秦樹未言蒼  
怪松

一死一回生輪菌倍有情周觀態百出細睨格難成  
鳥雀拏空老蛟龍拂地爭不教風雨入長自怒縱橫  
長松

百尺未言遠千林詎許齊年年覺天近日日笑山低  
落地陰何有攀椒針逾迷女蘿施不及流影過谿西

枯松

幽壑幾徘徊霜濤咽不回枝應霹靂盡幹豈雪霜摧  
魄奪青牛死巢空白鶴哀眼看憔悴色猶勝栢梁灰  
送白介父之雍州

高原風物清驛路指秦京立馬暫時歇垂楊千里行  
亂流趨晚渡薄霧隱春城試覽雄圖舊長懷百二名  
和譯公詠田間菊

四野良有獲胡然饑莫支好仍窮士態意豈丈人知  
作釀嗟栽秫爲餽兼刈芝忍令千載下辛苦說東籬



湖上

艸色離離白晴光森森連野融舒柳日春染浴鷗天  
岸憤情何適支藜意自便汀沙與湖水見不異年年  
送王子明東歸

憐君多蹇拙此別復何依歲暮歸途迴天寒行侶稀  
平沙一鴈往落日數帆歸愁絕江鄉外徒令淚濕衣

甘露寺

甘露山頭寺軒楹面面開江從氏道出山擁秣陵來  
絕壁龍長護高簷鳥不猜吾將依截窠小構讀書臺

隱園

熟知沙岸側新闢隱君園壘石紆成徑臨江巧治軒  
菱菰翔渚白鷗鷺集風喧晚飯鈎簾下遺編好自溫  
送張延父入蜀

巴蜀千山外憑空鳥道紆負囊愁過客裹飯趁村奴  
落葉身俱渺殘雲影共孤遲迴向天末莫計歲華徂  
王莊

僕夫吁不進停騎柳陰間寂歷谿橋晚蕭疎客店閒  
饑鳥寒噪渚殘日暝啣山貫得村酤在風塵暫解顏



少女祠

一自龜臺去仙輿未擬還青天間鶴路白晝鎖松關  
陵雨聞歌吹谿風答珮環千年顏宇下徒爾挹紅顏  
登秦望山

高步陟層巔羸秦駕不旋峯紋矜虎視草氣入鮑羶  
練吐澄湖白波迴雨嶂連古今同一眺有淚獨潸然

經蕭山

秋色罨吾鄉行行趁早涼山川盡吳會風物半瀟湘  
水國尊釵美江城橘彈香停輿向沙上取次及新嘗

題倦繡圖

闔戶春方半停針夜正中衫含蟬翼冷絲帶藕腸紅  
么鳳描能似桐花刺未工一番愁坐處不敢怨東風  
陳守經山莊

遙遙去城市隱隱住巖阿欲伴青松老從渠白髮多  
蘿軒邀客醉花徑候僧過爲問紆黃者風塵近若何  
齋居

人事已云謝山齋長閨寥輕寒逢穀雨小暖破花朝  
傍樹收蜂子編籬護藥苗案頭有殘簡還藉蠹魚消



分柑

果熟儘江南黃柑故所耽綴空秋破碧拭露曉分甘  
味劇植梨遜香新橘柚叅怪來津不竭差擬佐清譚

宿桂湖山莊

偶來湖上宿幾日爲淹留巖壑偕吾隱池亭此夕幽  
犬吠花欲曙猿蔓果方秋寂寂青燈下關吟自白頭

次蘆洲

中流忽收柁就食傍江村雨階羈秋鶴風林嘯晚猿  
燈花灑淚盡楓葉對愁繁今夜蘆洲夢飄飄媿楚魂

楚夜

牕虛燈復青久客滯孤城入夜淒涼至逢秋感慨生  
況多楓葉下兼有露蟲鳴於邑空愁思鄉魂坐屢驚  
冬喜吹臺師過

小室近寒谿閒禽不歇啼巖巒雜然出林木迴如齊  
山雪攜風北庭梅遜月西每過憐共此歸路莫言迷  
悵立

郊原寒氣入悵立傍柴門小雨飛還肅長風吹易喧  
藤花浮夕澗椒實墜秋園昏黑牛羊下知歸何處村



彭城送徐宗岱之定陶

星車且暫停尊酒對君傾  
客路難爲別天涯況獨行  
離狐秦氏邑煮棗魏人城  
日暮經過此含淒無限情  
泛樵風涇尋馮大不遇飲范氏莊

遲日下汀洲青莎石路幽  
欲尋漁子宿偶爲酒人留  
竹裏開村釀花前繫釣舟  
閒心逐鷗鳥塵世亦何求  
步廣孝寺石橋

愛茲林壑美散步寺門東  
松路曾無暑谿橋不斷風  
一泓泉乳白六字蘚碑紅  
髣髴談遺事山僧竹下逢

題劉幼玄幽居

養拙衡門下詩書祇自謀  
青燈遙夜影細雨一春愁  
韻鳥蒙花睡閒魚嚼藻游  
逢迎知性懶寤寐在林丘  
送胡之復之楚

聞君洞庭去幾日向吳天  
江市春城外漁家夕照邊  
水生蘭澤雨沙煖穀谿烟  
迢遞何時到蒲帆浦口懸  
贈平觀法師

兀坐戶不出一燈懸石龕  
種松偕晚誦對鶴作朝參  
識法塵空六圓融觀說三  
雲飛禪正寂山月照寒潭



同劉迅侯飲宜園

促坐就巖隈芳筵對水開  
山廚燒筍出谿艇覓魚來  
酒借泉樽酌花尋羯鼓催  
醉眠呼不起枕合藉莓苔  
任村

荒村重嶺外石路去層層  
林盡人家出峯孤僧舍仍  
水田秋芋熟山隴晚禾登  
却問催租吏持書到未曾  
奉題黃葵陽學士池亭

視草初登閣焚魚蚤掛冠  
巖因學士貴礪以碩人寬  
枳葉斜充徑松花覆滿壇  
一春人不到闔戶好盤桓

其二

羽翼旣已定商山歌紫芝  
誰言賓散日祇是謗銷時  
剪竹通紆徑疏流貫曲池  
百年泉石上用謝聖明知  
其三

禮樂推先達文章屬上公  
及門慙立雪遵渚羨飛鴻  
玉殿埽花冷金鑪炭鴿紅  
悠然返初服誰不仰高蹤  
其四

一官初罷直已自寡逢迎  
開帙閒情得橫琴道氣清  
松風敲枕簟花雨潤雕楹  
始信揚雄宅門前無俗聲



入田

莊居渺何許卜向鏡湖傍水泊魚鰕市村沽麩米鄉  
犬雞春入社禾稻晚登場慕茲田家樂今來願始償  
過何山精舍

谿院售巖東灣迴六寺通青連香閣雨寒送石橋風  
敲枕聽泉落看雲悟法空一燈紅不息默坐對支公

泊京口

西日淹山紫收帆泊大江濤聲秋正急風色夜須降  
沙鳥呼羣百汀魚逐隊雙燒燈當晚食一爲啓蓬牕

不至

顧茗啜應乾磁鑪蔗滓寒松移石子路日謝水仙壇  
蝸篆書將就麟經閱已殘相期渾不至竚立望江干  
東平旅宿

日晚途難竟荒城幾見留馬疲髀肉盡客久髻毛秋  
行李餘孤劔生涯笑敝裘十年風雨店櫛沐未曾休

雨吟

徙倚引微吟簷低晝復陰墟烟當午直郊雨入秋深  
市廢盤飧貴寒生鬲病侵看山阻游履睇遠一酸心



夏口遇風

舟行畏風色騁望一長嗟  
掠雨低沙燕粘天潑浪花  
蒲帆趁江碧漁屋靠蘆斜  
去去荆吳道層波未有涯  
接倪雄般書

久矣吾衰甚京華念不生  
故人書忽至幾夕夢爲驚  
飄泊寧非寄浮沈總是名  
鳥喧花復爛得意草玄成

砥塲集目錄

詩

五言律詩

遊仙百首

坻場集

會稽曾益著

五言律詩

游仙百首

有敘

益幼懷三一長事刀圭雖失足紅塵每結想碧落  
竊謂鶴書可授則大藥時成風馭得乘則三山伊  
邇偶偕仙侶偷寫雲謠姑游戲於寰中期翱翔乎  
霞外

蓬闕迴嶙峋雲霞簇更新鹿狹仙徑曉象老帝家春



玉珮全鏤鳳銀章半刻麟徘徊丹陛側長自憶前身  
其二

誅茅石室邊高枕白雲眠丹藥三三就丹圭八八傳  
蜉蝣悲短世龜鶴駐長年指日徵書至騎龍上九天  
其三

飛蓋出長空輕旛度海東彩霞開作隊青鳥許相從  
練帶霑雲白朱輪晃日紅飄飄九霄外端冕揖真公  
其四

夜涼人不知曾與彩鸞期約伴下三島尋師登九嶷  
月寒辭洞悄雲懶出花遲鵝管聲偏曉高空莫浪吹  
其五

仙音縹緲傳千里斷還連輦鳳群群過旛雲朶朶旋  
星精金闕女天簪玉堂仙直訝游蹤異參差霄漢懸  
其六

玄關深九重宮闕五雲封毳冕真君過霞裾神女從  
貽來緱嶺鶴博去鼎湖龍長日無多事閒譚海上峯  
其七

單車曳白麟來往自逡巡服氣應須卯咀霞并是寅



泉香穀水渡花暖艾城春就首丹臺下焚香禮玉真  
其八

仙郎去不回塵世已應非理匣鸞俱老傳書鶴未歸  
金環掩重閣玉籥閉雙扉何似蕭娘鳳年年臺上飛  
其九

瑞靄忽氤氳香入夜焚犀眠花洞雨鸞語石壇雲  
寶訣閒中授琅璈靜後聞誰憐蓬島上仙從自爲群  
其十

天路劃然開真符使者來虵蟬問蛻骨嬰姪久含胎  
樂奏龍爲御車停鳳不猜徘徊霞首望浮世轉堪哀  
其十一

顏童髮不華搔首戀烟霞訪藥花源遠尋真海路賒  
谿棖春白石道服補青莎莫訝身無繫雲山到卽家  
其十二

翠水何年會黃臺此夕驩風雷駟百鬼龍虎攝千官  
羽蓋團青鳳霓旌掣采鸞回看三島外滄海一杯寬  
其十三

雲館靜無塵朝霞入座新每譚燒石事兼會採銅人



浮世看如幻丹崖暖尚春年年遣方士深自笑羸秦  
其十四

巢棲夢不驚絕粒體還輕峭壁攀蘿上幽林洗藥行  
犬依雲確立牛向玉田耕何日同遐舉相攜採紫清  
其十五

負劒欲何依游行願已非浣衣銀浦去斲藥赤城歸  
誤著霞君屐閒攀織女機津頭花舊發祇笑世途迷  
其十六

功成骨已仙白晝每登天逐日霞巾仄乘風鶴氅偏  
花輪從往復蟻磨幾回旋却笑添籌客徒勞紀歲年  
其十七

丹籙稽仙史朱符命女官五花裁寶帶七葉剪雲冠  
霧縠籠霜重鸞鞞踏月寒明朝向天路莫作地仙看  
其十八

仙踪倏已埋石室靜無埃寶籙同鸞註金經對鶴開  
洞深紅日至海杳白雲來曾記西池上蟠桃手自栽  
其十九

長天景未闌幾度到銀灣夾岸星榆老凌空蟾桂寒



金梭拋正急玉杵擣應殘今夜層霄上乘槎去不難  
其二十

海天春日遲行藥復何之白木長鑱在黃藤短笈隨  
虎環三脊草雲護七明芝只在蓬壺上盈盈采正空  
其二十一

巖居歲屢更叶納事長生氣攝黃芽長精還紫絡成  
隨烟升白嶽作霧到青城爲問崑崙去能消幾日程  
其二十二

玄機暗裏藏游戲亦何妨自有還丹術毋煩辟穀方  
投杯應化鵠叱石已成羊若向壺中住瓊樓樂未央  
其二十三

行游北海濱采藥自全真衣擷三山雨筐攜五嶺春  
孤霞牽別夢獨鶴伴閒身一枕清風未長歌賦白蘋  
其二十四

斗沒曙光移琳宮景獨竒煉霞成琥珀敲日作玻璃  
馬放歸蒲坂龍鞭上葛陂仙家饒祕術未許世人知  
其二十五

丹壑秋方霽青霄夜轉涼松杉壇級靜烟雨藥苗香



瑞靄生金室閒雲護玉房飄然謝塵事身世兩相忘  
其二十六

星殘曉漏催爲謁紫皇來風露流鈴肅烟雲寶絡開  
金文方檄雨玉札并頒雷爲語玄都伴桃花好漫栽  
其二十七

瑤姬甫弱齡山海慣曾經度月花竿小穿霞竹傘青  
短程偕鶴步遠道跨龍昇妬殺巖邊桂雲衫血染猩  
其二十八

入夜宴蓬萊芳筵迫水開金魚迎饌出丹轂夾霞來  
玄女靈香拂星官沆瀣杯酒行歌不歇雲臥未須回  
其二十九

登壇召百靈螭魅夜來驚玉筋書符巧磁盃呪水盈  
雲生頭上黑雷放掌中輕怕有兒童識時時易姓名  
其三十

仙侶動成群青幢扈從分霜寒赤玉烏風煖紫霞裙  
星斗垂輕珮笙歌按白雲箇中誰第一知是小茅君  
其三十一

危磴歷千盤風輪軋露寒云亭侵曉過嵩嶽耐秋看



黃峴天門路青精羽士餐去來經百劫一衲未曾殘  
其三十二

埽地絕纖塵飛霞結作鄰無生叅妙理不壞養元真  
丹鼎鎔金永華池漱玉津千秋同羽化祇笑暫時身  
其三十三

春煖藥辭茨山山夙霧霾寬風吹榭笠小雨拾棕鞵  
囊荷傭奴共鋤攜巢父偕試持松五粒一爲飯洪崖  
其三十四

飛閣靄流丹青霞供夕餐鷺鴉消玉局烟霧肅泥壇  
鹿飲泉香細鼉吟鳥氣寒十洲長在目試擬畫圖看  
其三十五

長年鬢不霜虛室久生光旋訝龜蛇合閒看烏兔忙  
丹砂早已白瓦礫故應黃註得仙書在還將海面藏  
其三十六

青天結隊游返駕燕丹丘星蕊方壇肅芝輪抗殿幽  
肴豐同雪爛醞美逐霞流少女紛相勸清宵一再留  
其三十七

一室葆吾真吹响不厭貧脩從度世士樂慕上雲人



鶴迓瑤空曙龍盤紫嶼春方諸知不遠還與會稽鄰  
其三十八

迢迢天路長不用夢黃梁文武丹砂就烟霞姓字香  
朱旛邀日麗彩袖拂雲涼便學方平輩翱翔入帝鄉  
其三十九

煩襟滌已空詭跡市塵中白板開雲肆青絲繫藥籠  
遇人傳異術到處著陰功夜半星稀後丹爐火自紅  
其四十

紫府寂無譁中洲路不賒酒香藤葉滿風冷葛花斜  
白羽裁輕扇彤雲畫小車今朝天日好期飲赤松家  
其四十一

歌管徹交衢盈盈去不孤乘龍仙子竝跨虎女郎俱  
天上佳期迫人間底事無紫霄閒姊妹爲寄覓針書  
其四十二

仙樂九霄聞天書降老君金泥封鳥跡寶押擬龍文  
登拜威儀異參差鹵簿分三千功正滿雞犬入層雲  
其四十三

燈白畫幢開神光繞法臺醮行雙鶴下罡步七星迴



水涌蛟潛遁雲崩狸嘯哀短緹看燁若曾斬百魔來  
其四十四

閬苑桃初熟龜臺晷未移欲同金母會報與木公知  
渡海龍髯脆衝風鶴羽遲不如乘鯉去頃刻到瑤池  
其四十五

早歲悟重玄閒栖傍杏田蓬頭成懶道赤腳號頑仙  
拍墮聞呵笑瓢空只醉眠幾時捐世網飛步大羅天  
其四十六

閒霞曉更鮮伏食駐華年洞裏元無歲山中自有天  
黃麟拴石徑白鶴養芝田待到功成日逍遙謁帝前  
其四十七

天闕曉網縵今朝讌少君龍旂寒指月花綬暖生雲  
金玉諸宮啓烟霞幾洞分歌聲達中外塵世未曾聞  
其四十八

仙從曉聯翩星精去復還衣冠來五嶽劒珮下三天  
瘞玉鍾山側投龍漲海邊幾年瑤圃上辛苦會群仙  
其四十九

長空度玉簫上使偶相邀霹靂蚪文古烟雲鶴路遙



翠裘香趁體魚袋暖垂腰只恐青鸞怨留書慰寂寥  
其五十

投閒性自慵寂靜閉深蹤最喜紅塵隔轉看青嶂重  
晴牕邀鹿過雨徑倩苔封獨怪花間鳥時來認藥僮  
其五十一

飛行入太清風露夜縱橫雲嶠移冠影璇階聽履聲  
星濤偕月沸鳳管雜鸞賡白玉樓新構囊中賦矣成  
其五十二

瀛海水灣環扶桑曉不閒金鳥迴日馭玉狗啓天關  
鳥履跚跚入旌旄冉冉還自來仙子樂差得勝人間  
其五十三

弱水渡應稀蓬萊會漸微馮空迴鶴馭幾夜濕蘭旂  
葉令鳧爲鳥桐君羽作衣相逢話疇昔閒伴白雲歸  
其五十四

芝蓋拂雲輶參鸞去不停朝游自玄圃夕宿向蒼靈  
紫海窺應窄黃塵望轉腥無人問三一徒訝塚如星  
其五十五

鶴髮轉蒼蒼年華老不妨著書邀柱史問道揖軒皇



坡剪桐爲色鑪焚栢是香塵心消亦盡端立紫宸傍  
其五十六

垂髻企上真雲水費招尋綠字攜雙笈黃冠守一簪  
紫霄秋霽步碧漢夜來心回首都成謬關門學鍊金  
其五十七

仙管遏雲流長風吹不休三山移牒往五嶽按圖游  
曉月迷鸞珮春霞護鹿裘遙看烟九點真覺小齊州  
其五十八

海上樓爲玉天邊闕是銀琪花三洞曉珠樹五城春  
鶴駕行應邇麟車去更馴幾回問星使何處覓仙真  
其五十九

皓首遍塵寰雲車不可攀融風連日至仙馭幾年還  
丹襖褒關尹青袍易阿環醉中行賞畢又過曲龍山  
其六十

空巖猿夜驚隙月遞微明靈室吞三氣丹房鍊八瓊  
腦鳴風浩浩爐養火熒熒竊笑譚尸解全生學舉形  
其六十一

俛仰自躑躅仙游不記年黃雲仍桂闕碧海幾桑田



大藥爐中就青蛇袖裏懸殷勤謝人世何日更朝天  
其六十二

落戶納晨曦瑤臺影陸離鳥翔丹碧羽花發古今枝  
合餌餐雲母裁謠唱雪兒仙居靈物護不受海風吹  
其六十三

重樓低復昂宛在紫霄傍芝闕千層護銀屏九疊張  
呼龍春種草邀鶴夜焚香此日攜家去披雲別故鄉  
其六十四

風珮響珊珊星河夜未闌芝童逢桂陌玉女下瑤壇  
羅帶鏤香麝金綦刺白鸞會看香湧處蕭管逼雲寒  
其六十五

溟海去無涯丹山舊有期放雲來華嶽邀月上峨嵋  
視世方瞳小侵霞紺髮垂一枰花影下再覩曉星移  
其六十六

遠懷物外情栖想在蓬瀛真骨養初就飛精鍊斯成  
意融雲共適體矯鶴俱輕閒看霓軒外桑枯海水清  
其六十七

曙色轉離離峩冠四顧宜賓天緣皂笏拂世枕紅蕤



雲從星樞近濤翻海嶠低乘輿飛越處上下信吾之  
其六十八

仙成骨自遺音響託空祠綠髮衰新像華冠儼舊思  
龜螭旋法駕星月護靈旗夜久聞喃語歸來檢藥笥  
其六十九

迴幢方北返叱御又西巡龍漢初開劫牛車再度身  
金言傳道妙華觀矚雲新真氣朝來滿誰爲識至人  
其七十

長醉舞蹁躑塵寰謫有年偶傳丹白訣高詠紫芝篇  
牧豕皆成道舖糜亦自仙埋頭混塵俗知未了凡緣  
其七十一

龍渥遇應殊仙班授大夫紫花頒雀印青玉剖麟符  
弭節蓬關近分宮海嶠孤殷勤答天眷夜夜覲清都  
其七十二

齋沐禱三靈循游御六丁折麻凌倒景采玉救頽齡  
魚吏須長赤龍師脅不腥盤翔步天外足履氣輿昇  
其七十三

勝會瞰名川靈峰倚席前雲端瞻上聖花底聚群仙



弄玉簫聲遠飛瓊笑語闐劈麟供膳潔詎笑腹便便  
其七十四

丹成未易售攬勝下麟洲古洞牽霞入澄湖剪月遊  
幾人王屋住若箇穀城游馭鶴如相憶臨風起別愁  
其七十五

神仙不可期踪跡少人知曾向黃山隱重探白鹿奇  
松蘿皆識面猿鳥亦相思縱有雲緘在臨風寄阿誰  
其七十六

來往意何如長攜玉笈書不須乘鹿輦何用駕龍車  
畫壁餘黃鶴巾箱有白驢須臾周六合祇覺去徐徐  
其七十七

日觀三峯接星衢九道開五千傳妙訣十二選真才  
絳節朝天去金輿縮地來琅璈與玉珮流響白雲堆  
其七十八

欲向蓬萊去重爲海上行玄螭瞻左轡白兕導前旌  
湘女簪花侍江斐仗節迎夜涼天路杳佇聽紫簫聲  
其七十九

真聖位全虛飛仙脩自如方書一日受圓嶠幾年居



白羽衣長潔青毛節未疎昇騰知有分肯爲食餒餘  
其八十

長嘯出林臯狂歌膽氣豪漁衣谿月上晞髮嶺雲高  
藥就神呵護書成鬼泣號自憐丹鼎內天地屬甄陶  
其八十一

化鶴曾游蜀驅雞早入吳青娥傳劒法黃石授兵符  
鳳目英姿異龍腮骨相殊姓名藏未得應自表玄都  
其八十二

訪道歷多艱言尋海外山周遊雲性愜流盼鹿姿閒  
亞壁芝抽紫傾崖菊破斑捫蘿時采擷聊爲駐紅顏  
其八十三

蓮漏夜方長天街廣樂張步虛招法侶把袂入仙鄉  
星女針樓近雲妃藥殿涼移書許相過一爲鼓霓裳  
其八十四

蟬蛻出天衢青霞路杳如銀筒窺祕錄玉躡肘方書  
行與麻姑別閒尋松子居真軀元不壞親自葬靈墟  
其八十五

桂籍列通仙分居十小天雲樓千棟碧風戶八牕懸



麋貢東園草龜巢太乙蓮素塵吹不到巖下水犀眠  
其八十六

五夜集明光摠衣侍玉皇彤庭閒執節紫殿靜焚香  
禁遠榆花白壇深桂樹涼雲謠偷寫得早晚寄劉郎  
其八十七

海島時相過名山歲一週笙歌出天上猿鶴訝峯頭  
紫鳳能驅輦蒼龍解夾舟洞宮三十六盡日可遨遊  
其八十八

仙姿迴不群操管事元君藥笈青肝字花函紫腦文  
教成珠館遜行累玉清聞出入膺殊寵天厨珍飴分  
其八十九

耀魄形爲詭潛踪樂自湛李懷知己再桃熟覩應三  
漢戟縻方朔周書別老聃往來視塵世授藥幾人堪  
其九十

一笑樂無涯遨游不問家狂澆千日酒忙拘四時花  
入洞鏟鍾乳凌晨汲井華耽幽臥松下拍手白雲賒  
其九十一

紫翠濕雲翹盤旋嶽路遙筍輿穿峒腹蘭珮步山腰



靈氣襟前合元聲管上調炎洲居久懽暫爲借金焦  
其九十二

天仗雜霞旗仙袞間羽衣空中驅兔往海上牧龍歸  
壇月寒應落輶雲濕不飛寤言瑤島樂塵世夢還稀  
其九十三

曾寓絕世埃內氣固靈臺雞覆長存卵珠溫不出胎  
流光符二曜布景奠三才倏忽看輕舉逍遙遍九陔  
其九十四

拂塵意何長生涯老更強修真滄海畔擣藥華山陽  
體以餐霞赤鬚因飲月黃靈書傳未得暫向肘中藏  
其九十五

九轉丹初熟三千行已成圖成五老授車遣八公迎  
芝殿新登籙鸞臺舊註名何勞生羽翼始得入曾城  
其九十六

絳闕眞仙聚朱天慶會同焚香翠瓔殿開讌蕊珠宮  
九醞金漿滿雙麟玉饌豐夜深歸碧落星步欲凌空  
其九十七

二氣轉如輪經申夜復晨浮沉窺甲乙黃白煉庚辛



犬至狸常伺龍降虎自馴大還丹久熟逝與偓佺鄰  
其九十八

被髮學熊經巖扉半不扃木花綠竈白藤葉覆牀青  
功苦金應化胎凡藥未靈夜闌霜月下長跪讀黃庭  
其九十九

餌桂顏應駐餐蒲骨自癯地關應喜闢天路豈愁紆  
夜洞窺龍子春田餵鶴雛待看風力正便欲往蓬壺  
其一百

虔脩行已圓魄力運旋堅雲畫三清路鸞迎十種仙  
紫宸頒羽從碧海渡芝輶更抱千秋慮珠囊一卷傳

抵塲集目錄

詩

七言律詩

擬元旦早朝

奉和齊太府班春得牛字四首

禹廟

京口見鶴病垂死憐而有作

同胡朗初趙孟遷宿蔚園月上起步石橋小飲

送張肅之司馬轉貴州督學二首



送何大之閩訪潘判官

賦得游魚啖花影四首

送袁天印都閩鎮北洋

劉元中自肇慶來貽余端研其質堅不多得

余有金星研落墨不減端谿購之于歛姚氏

鼉磯一得之諸公且質雖較麤落墨爲甚

春仲同金伯洪倪康侯觀泉上人攜樂登南天

竺二分得空字

初居蔚園聞吹臺師自廬山之泰州說法因憶

曩時雲門之約

奉贈焦弱侯太史

北上旅次逢馬歛若南還

白鷗

送汶壁上人之閩二首

何山懷古

奉贈吳白漚戶部

答陳四門太守

有懷沈相如比部

賦得落花有意隨流水

賦得流水無情戀落花

除夜雪同趙孟遷道先田公賦登戢山得人字  
賀楊憲副移鎮台紹四首

乞杏

徐生墓下

送王望之之南海

戊午除夜

補題金太君壽軸

賦得土城乳燕賀彭會稽考滿

奉賀總河司空曾公景默四首

巳未獻歲

送劉誠意入賀二首

贈王山人子獻

吳晦復自朝鮮歸許以筆見貽戲促

贈韓求仲太史

和王伯良雨霽月上玉蘭騁色四首

送王季重司李之任袁州



東譚餘姚二首

口占贈吹臺上人

和王總戎秋懷四首依韻立就

送張肅之兵憲起任吉安

賦得壓海雄名上劉太府

答和王竹樓都督

採梅

畫松壽方海道尊

秣陵答張肅之司馬

砥場集

會稽曾益著

七言律詩

擬元旦早朝

鳳曆重頒歲轉頻  
滿庭垂珮慶楓宸  
鑪香暗喜龍文  
結扇影高看雉尾  
新魚鑰九門花報曙  
鳧鐘萬戶鳥知春  
座中天語叮嚀下  
寵澤施先侍從臣

奉和齊太府班春得牛字四首

獵獵春旛迓土牛  
微茫香靄動新疇  
千家暖釀陽春



戶萬卷寒辭午夜篝綴雪幾驚花作杖如茶又覩女  
盈樓殷勤只有朝來柳分領東風綻陌頭

其二

不用行郊問喘牛祗馮春事課耕疇朱轡到處歌盈  
角田鼓毋煩祝滿篝潤綠雨飛淮北輦暗黃柳着隴  
西樓裴回欲爲書雲物擬上高城最上頭

其三

正月五日爲午日

王圖班滿萬家牛牛日兼春事遠疇華勝巧先分寶  
髻蕤衣閒復試熏篝塵香沒馬喧填市雪意撩人恰

上樓最是鏡中風物早尋芳安問曲江頭

其四

何處春寒縮馬牛茲辰和氣盎田疇塘蒲試紫鞭堪  
結城柳舒黃火乍篝燕歛綵絲歸繡戶龍啣青字上  
書樓咀吟欲効刀催句安得花簪學士頭

禹廟

長憶裊裊頌禹功豈從遺像泣遺弓鬚眉宛出杉松  
外車榻旋歸海岱東谿壤無田耘白鳥山雄有石葬  
華蟲乾坤禮代知餘幾風雨猶存殿角紅



京口見鶴病垂死憐而有作

病頰依人淚欲潛頂砂紅落子毛殘調看自識歸籠  
易買放寧知倒篋難幾折衰蘆埋瘦影一灣深雪困  
顏翰裁銘定乞陶居士瘞盡蒼濤骨未乾

同胡朗初趙孟遷宿蔚園月上起步石橋小飲

梧碧花黃耐晚秋逶迤山徑自言幽幾人夜起看明  
月千古晝眠成白頭步遠肯辭叩竹杖露涼堪擁鷓  
鷃裘醉餘數問劉伶輩片鍾知埋何處丘

送張肅之司馬轉貴州督學二首

幾年落落簿書閒千里金陵使節還祖德遠繩荒服  
外主恩旋拜戶庭間乍持水鑑衡多士轉建銅標定  
百蠻此日漢官瞻望切星輶早過七盤山

其二

綜武雄才自昔聞黔中新命握斯文士遵衮鉞今夫  
子帝倚緇青舊使君校藝席分烏撒雨寒帷人凜白  
蠻雲須知牛耳公家物三世詞壇策上勳

送何大之閩訪潘判官

囊琴幾載向風塵千里攜將訪故人汀葉乍舒巖瀨



雨巖花又放武夷春到來蓮幕稱知舊去後山齋念  
客辛歲晚莫忘鷗鷺約雲帆早爲發江濱

賦得游魚啖花影四首

名花隱翳亞江開花底游魚聚一堆煦沫似將吞影  
去排空知復慕香來鬚分曉浪疑粘荇翅鼓春潮豈  
畏雷只恐日斜雲蕊亂隨風輕點莫頻猜

其二

水國孤芳臥影肥沙明三五聚苔磯鼓腮若爲游叢  
入啞蕊仍看逗月微餐白酣紅俱是幻戀香吞豔祗  
長饑何如躍尾龍門去噴沫桃花逐浪飛

其三

花色迷濛映遠空閑魚嚼影疾流中迎波謾訝鬚香  
墜蕩月翻嫌額點紅嚙嚼幾隨風上下橫斜爭逐隊  
西東春江浩渺紛如許肯學鶯鳧戀葦叢

其四

鱗波擾擾錦烟屯暈落曾潭詎可吞逐瓣祗憎風作  
態納芬不盡月留痕桃源饑引仙郎夢蕊闕饒深玉  
女覓一寸枵腸渾莫療獨存餘馥怨黃昏



送袁天印都閩鎮北洋

分符海上手提兵勲業從高四世名繡斧况逢開舊  
里錦袍誰復認儒生陣聯魚鳥春營麗騎簇芙蓉曉  
隊明莫訝烽烟暗遼塞閑霞時護甬東城

劉元中先生自肇慶來貽余端研其質堅潤不多  
得

性癖耽吟生事非筆耕猶喜研相依製成鸚眼貽來  
好試盡松煤邁亦稀幾處漳銅卑雀瓦誰人海石數  
鼉磯醉中狂草時時作那得殷勤捧玉妃

余有金星研落墨不減端谿購之于歛姚氏

絕壑還誰覓紫雲匣中星斗晝呈文旋毫促點金光  
潤據几研看墨色勻池水欲飛春峽浪石田聊對夜  
燈耘銘鏤綠糝堪吾老笑殺君苗祗自焚

鼉磯一得之諸公且質雖較麤落墨爲甚

江麓年來倏已崩鼉磯品價陡然增腥痕過雨含沙  
老香沫浮花潑浪層閩海嶼紋嗔細鑿吳儂贗質笑  
新興人間清賞合如此我愛齋頭落墨能

春仲同金伯洪倪康侯觀泉上人携樂登南天竺



分得空字

春花團碧靄遙空景入天南第一宮  
徑仄儘容排鳥上峰孤會不許  
猿通案頭濺瀑經時白足底飛霞愛  
晚紅醉領笙歌踏層石人傳仙樂出雲中

初居蔚園聞吹臺師自廬山之秦州說法因憶曩時雲門之約

一笠廬山去不迷似聞杯渡廣陵西  
花龕是處排雲壑香帔多年翦稻畦  
夜雨臂懸經授鵠春風舌破座臨猊  
辜余老赴雲門約祇向松間認舊題

奉贈焦弱侯太史

蘭臺虎觀久逡巡寵渥金鑪炭鵠頻  
摘藻腹笥雄萬卷宣麻汗綵煥千春  
岵紫氣高南國只尺黃扉近北辰  
一代典刑知共仰肯令鶴髮老詞臣

北上旅次逢馬欽若南還

三載蹉跎會面難酒酣茅店暫成歡  
聞雞短夜談猶渴策馬前途夢未寒  
雲樹豈緣南北隔風塵知爲古今酸  
勞勞爾我紛馳者輸與江天一釣竿

白鵬



白下新鷺見白鷗遠從南海歷多艱携來綳羽依然  
潔放入朱籠好是閑衣繡半攬蠻雨黑尾痕全纈嶺  
花斑玉關莫道生能返注目遙空幾日還

送汶壁上人之閩

經春習靜世緣空飛錫何應別剎中祇愛看霞閩海  
外不辭攜笠武夷東日殘荔子紅千挺雨後蘭芽黑  
幾叢此去定驚風物異施錢好買白鷗籠

其二

時同何大訪潘判官

遙遙八閩泛微茫千里都從一葦杭正喜同舟逢水

部却尋別駕訪河陽江游謾詫漁聯舍海錯看應蜩  
作房自是行囊歛奇勝野雲閒共衲頭藏

何山懷古

巖壑浮名藉一時眼看衣白又衣緇汲來泉乳希人  
識銘後青苔祇帝知講席塵更錢罷給僧廚炊冷肉  
無遺碧梧零落西風盡寂寞松關日上遲

奉贈吳白漚戶部

揮塵雄譚氣獨豪使君新領白雲曹度支正倚邊方  
急譽望從推仙署高吳苑月明歌馬帳稽山春滿頌



牛刀幾年聲教馳南國轉見登壇授節旄

答陳四門太守

萬里西風嘆折膠使君十載別燕郊乍聞五馬馳荒  
微肯遣雙魚慰舊交竹葉遠飛蠻女淚梅花空覓隴  
頭梢近來小閣玄初就莫向揚雲問解嘲

有懷沈相如比部

楓葉吹殘景乍寒每依雲樹望長安故人愁結三秋  
夢公子交成十日驩杯轉春風娛錦瑟騎回明月醉  
雕鞍何如此夜衰燈下白髮青編祗自看

賦得落花有意隨流水

白憇紅儻泚泚東芳心閑付急流中飄零儘嫁三春  
雨迅速思捐一夜風曹女游屍香泛泛漢濱遺珮響  
漂漂天涯浪迹遙憐汝萬里奔忙訝許同

賦得流水無情戀落花

一壑殘英祗自浮拍空銀蕊去悠悠湍飛不與香俱  
逝風逆從教瓣獨留游荇故牽遺晚浪閑魚迎唼領  
春愁盤渦展轉知無數肯放嫣紅到急流

除夜雪同趙孟遷道先田公賦登戢山得人字



孤亭如笠嵌城闔雪凍雲埋萬疊春幾見尋梅過我  
輩不知采戢竟何人罇攜絕頂僵雙屐杖引飛花綴  
角巾莫訝登臨倍惆悵明朝又值歲華新

賀楊憲副移鎮台紹四首

使君移鎮赤霞城秋色高懸憲府清海國節旄新受  
寵玉關旗鼓舊專征恩流絕徼瘡痍起日麗中天草  
木平况復山川頰指顧馬頭時見石梁橫

其二

時署  
海道

曾聞飛輓向邊垂又見揚旌出海圻萬里江關勞鎖

鑰百年天嶮介華喬幃臨魚鳥春何限檣拂雲濤秋  
正宜直訝樓船泛天上月明簫鼓坐中移

其三

微風幕府擁旌幢兼領薇花漢署香有客及門歌短  
缺羨君開館賦長楊閒霞曉看飛天姥白雉春聞貢  
越裳滿目恩波浹人髓不知何以訖遐荒

乞杏

乞杏名園春正厭茲花偏喜色香兼幾鋤帶影辭霞  
出一徑遺香共雨淹豈惹啼鶯來小院直思分蕊到



荒簷曲江萬樹垂垂發此日何人得再探

徐生墓下

字玄昇閩人善開生面臨逝余與諸友檢其資以俟其家人不至葬采戢山陰

墓門淒冷曉光侵一雨梨花淚不禁病裏貲囊從檢  
付天涯音問苦銷沉濡毫轉憶生前面掛劒難忘死  
後心閩水茫茫竟莫返暫令遺骨瘞山陰

送王望之之南海

客路透迤指五羊山行水泛兩茫茫嶺風白放梅花  
朶海雨紅生荔子房景物媚人遵樂土語音借鳥入  
殊鄉到來越女如雲豔喜得風流似陸郎

補題金太君壽

阿母西池水不遙松風吹作戢山濤圖貽幾箇丹霞  
字庭舞一雙青鳳毛遲余經時鏤雪藕定誰邀月翦  
霜袍稱觴自有金莖露不用餘杭借濁醪

戊午除夜

累日陰霾歲事移閉門閒聽屐聲淒沾餘分驚人情  
巧坐雨看花生計迷縛盡青葛窮不去剉殘黃薛苦  
長縻案頭剩有餘編在萬卷重開老未遲  
賦得土城乳燕賀彭會稽考滿



乳燕迴迴鏡水西餐花咲蕊哺朝暉幾年鞠育孚黃  
口一日恩榮錫紫泥羽翼定專華省寄去來暫向土  
城依王家梁棟虛應久注目高看天上飛

奉賀總河司空曾公景默四首

天沼遙臨汴水頭一方昏墊正堪憂連波赤日冬逾  
迫蔽野黃雲晚自收鞭石驅山旋地軸轟雷急電走  
河流此時民瘼真須念三過知公肯逗留

其二

白馬新盟竟若何明王玉壁幾沉河一天巨浸瞻無  
際萬里奔濤慘莫過閭殫舊聞瓠子決陵襄今憶白  
渠歌固知疏鑿公餘事轉眼彤庭奏績多

其三

曾向夷門據上游又從雷夏長諸侯大河南徙魚龍  
避曠野春還草木愁乍擬星霜馳四載豈煩菑礎砥  
中流知公舊有拯民念區畫今應遍九洲

其四

鴻水滔滔遍海隅中流消息豈應無金錢真竭司農  
帑玉軸重頒禹貢圖千古經營勞舂鍤萬方粒食轉



膏腴坐看天地平成後載見玄圭告有虞

已未獻歲

曲巷傳呼厭客頻知余愁共歲華新荒畦韭葉災連  
日細雨梅花賺一春世路更難欺短髮雲霄况久作  
迷津匣中試有驚鯢在未擬婆娑把示人

送劉誠意入賀二首

珮玉琅璫劒履明十年江國仰維城天堦遠致南山  
祝藝苑高懸北斗名繡斧飛霜開帝里錦帆張日指  
神京近來烽火傳多事肯許龍門一請纓

其二

遼陽幾日報重圍偉望雄才世所推載在青田盟舊  
好授來黃石略新窺危時正爾思頗牧妙算依然仰  
帝師海宇聽歌天保後運籌首沐九重知

贈王山人子獻

山人曾被 召見時歸  
西湖結茅寶石山頂

曾向長安識帝顏拂衣歸臥髡毛斑看書遠詫千行  
下作屋高臨萬仞間山月慣支藤杖老野雲時傍衲  
衣閒幽盟未許凡流結猿鶴峯頭自往還

吳晦復自朝鮮歸許以筆見貽戲促



地塲集  
七律  
碧玉雙鏤定有無欲從逋老乞珊瑚春風信杳鬢應  
禿夜館花香夢不孤大海波平來雪雉中天月白翦  
霜狐他時題鳳如相及爲覓尖頭何處奴

贈韓求仲太史

才華三百首推雄海內文章仰鉅公鶴禁陳謨春幄  
煖蓮花賜直夜燈紅貝成多口讒初構金鑠移時謗  
自窮已識天王馳念切卽看喜起步夔龍

再和王伯良雨霽月上玉蘭騁色四首

皎魄新裁霽色春瓊葩延照媚如人香含冷暈飛多  
異影入重輪散覺頻粉淚滴盃收自好玉容臨鏡選  
初真碧天上下看無際猶擬冰綃濕夜茵

其二

年華蕩影露晴春一派幽光遠襲人空淨勁枝撐雪  
入霄寒冰蕊刷風頻歌臺縞袂揚揚出宮騎銀糝除  
除真只恐輕盈吹易墜散教涼玉旋鋪茵

其三

微茫素靄澹浮春挈玉籠綃乍可人一徑浸香同鬼  
散幾叢遡照弄姿頻墮來銀漢妖生色綴入霓裳訝



逼真風露漸寒天漸曙愛看清景坐苔茵

其四

銀叢漏月暗回春恰喜新糝晚試人入漢素姿蒙濯  
潔翔風玉羽趁飛頻較將趙燕光華似偷並靈妃色  
笑真欲向天孫乞餘錦夜涼團照燦晴茵

送王季重司李之任袁州

西曹曾見鑄刑書江右重舉使者裾鷓首乍依彭蠡  
岸龍光高耀斗牛墟春風棘木坐臨後夜雪梅花行  
放初此去山川應借色可因多服問匡廬

東譚餘姚

每憶聯鑣客帝都論文長日笑相娛千秋藝苑盟猶  
在百里姚江路不紆夜月琴堂攜一鶴春風花縣想  
雙鳧到來握手無多地曾是燕山酒易沽

其二

帝城卮酒舊論心密邇幽期未許尋花閣一春勞臥  
理龍山雙鳥喜莊臨歌仍耕鑿民風古俸給魚鹽主  
澤深最愛江湖朝上下至今猶作舜時音  
口占贈吹臺上人



我師遠自匡廬還自言心地同雲閒煩惱一絲不掛  
慮淡薄十年長住山瀑聲時飛齒頰內峯色全染眉  
稜間嗟余讀書不出戶聞之祇覺慙生顏

和王總戎秋懷四首依韻立就

幾年潛跡隱蒿萊偶爲羊求三徑開松菊未衰秋後  
典棟梁長仰城中才西風忽憶遵鴻渚落日重歌放  
馬臺滿眼干戈謾愁絕青霄喜見鳳書來

其二

停楫回看江上楓閑雲何意叫征鴻豈因邊塞霜秋  
白可奈烽烟日夜紅短劔謾言藏匣內輕裘每自想  
雲中遲回國計公須念指日聽歌魏尚功

其三

歸來偶爲憶菟裘高枕東山已十秋壯志年來仍不  
減浮名身外亦何求歌魚謾訝馮驩欽濟海還需傅  
說舟此日羽書飛正棘起看雄劔斬胡酋

其四

西風浙瀝度荆扉愛採林泉早拂衣譚劔深更龍作  
吼攤書鎮日客過稀三秋鴈塞思鷹擊萬里胡沙正



馬肥肯爲中原籌一展卽看南北壯風威  
送張肅之兵憲起任吉安

十年江右政聲優仗鉞重臨識舊游豹畧共推籌國  
社菟裘未許遂林丘春風擁騎過名嶽細雨揚帆據  
上流鎖鑰中原知有託只今烽火未言愁

賦得壓海雄名上劉太府

五馬循良孰與儔東南誰不仰風流幾年鈴閣知無  
警到處山城頌有秋熊軾擁金行屬邑麟符刻玉長  
諸侯珮牛帶犢從渠貴此日雄名重海陬

答賀王竹樓都督

羈愁牢落戴南冠無奈蕭騷鬢髮寒匣裏雄文春後  
續斗間劍氣夜深看廟廊長策知誰白草野孤忠祗  
自丹莫向風塵問雙鋏醉來肯爲一魚彈

探梅

春入疎梅花可憐支藜窮探每年年迷深短屐香難  
覓望遠清尊凍莫前亂石荒苔山徑外冷風殘雪野  
橋邊孤踪欲絕無消息祗自摧頽立暮烟  
畫松壽方海道尊



海門初日上蓬萊松葉森森憲府開撼浪乍驚龍晝  
立干霄喜見鶴時來濡毫謾染深秋色作棟還需大  
夏材况復中天饒雨露卽看分蔭到蘭臺

秣陵答張肅之司馬

江風吹雨夜潮增秋色蕭蕭度秣陵漁火紅殘方撥  
棹貂裘黑敝苦擔簦每從雲樹瞻司馬未許尊鱸憶  
季鷹開府建牙今日事書生敢謂請纓能

坻場集目錄

詩

七言律詩

雨中玉蘭詩三十首

坻場集

七言律詩

雨中玉蘭詩三十首

有序

會稽曾益著

辛酉春余同史伯暉馮晉叔過王伯良齋時雨連  
日伯良留小酌出積雨玉蘭摧墜之作索和立就  
十首至晚伯暉成再和次晚晉叔以和章至復和  
前後積詩三十首凡成兩夕辭雖近俚咸不加點  
高花布蕊競新春風雨那兼妬似人即使輕綃吹易



得却憐粉黛洗何頻  
津頭濺淚辭游女  
泉上飄香浴太真  
梅萼漸稀飛絮早  
坐看三徑疊成茵

其二

百尺琪花弄好春  
一天珠淚迸鮫人  
姿寒乍許銀河  
綴雪盡從嗔妬  
雨頻水面洗粧同  
激灩風前迎笑自  
清真朝來味冷  
尤堪嚙何用開尊  
促錦茵

其三

飛花急雨可憐春  
狼籍那堪對玉人  
晃眼涼雲吹箇  
箇辭空濕雪墮  
頻頻竭來縞袂浣  
西子何處胡麻泛

女真最是晚涼能  
徹骨豈應閑臥透  
重茵

其四

風雨吹殘玉樹春  
閒園陣陣解撩人  
泉驚白鷺辭條  
下香散輕鷗點渚  
頻偕雪亂飛兼有  
恨翦瓊重綴故  
疑真試看小霽鋪  
堦下儘勝浮光綠  
作茵

其五

小院花開許許春  
卽看帶雨總宜人  
裁冰刷雪光何  
遠臥蕊翻枝壓更  
頻粉靨啼殘愁盼  
盼素容銷盡貌  
真真眼前潘令知  
還在屑玉飛香接  
好茵



其六

雨驟風翻又一春  
閒花飛擾正愁人  
捲簾銀蒜千行  
下落地寒葩萬朶  
頻長舌唾空都是  
幻羽觴遞飲未  
全真淋漓欲就  
林間臥醉後偏  
宜軟玉茵

其七

長林一夜洗殘春  
細詠高吟耐可人  
着屐自嫌飛雪  
盡墮空誰惜  
雨花頻摧殘  
自昔傷青女  
睡去今驚病  
玉真粉魄半銷  
香骨減夢中曾  
乞幾車茵

其八

細雨肥花爛熳春  
一番搖落倍煎人  
正思闋苑飛瓊  
逝旋訝梁園作  
雪頻飄泊  
自甘從失素  
鈴華早洗欲  
韜真泥途試久  
知難染肯污  
堦前簇簇茵

其九

百簇繁葩喜放春  
漫空飛墜轉疑人  
苦無些葉遮風  
驟耐好多花打  
雨頻玉質豈經  
多變改幽姿  
又弄一  
迴真明年樹底  
當晴日早辦  
壺觴藉草茵

其十

哦花摹雨苦吟春  
眼底從稱惜玉人  
白雪歌成賡自



寡瓊瑤投處答難頻漫嗟牢落同中散最喜風流似  
季真自嘆塵埃淪棄久敢言連壁附君茵

其十一

一尊喜對小園春轉眼蕭條似愴人花意似慳千片  
落雨工旋洗一宵頻媽香嫁盡媒何有亂點交催妬  
已真孤坐書齋倍生憶燈殘無復臥床茵

其十二

芳樹迴看面面春凭欄閉喜着幽人雨深玉枕埋泥  
久花落銀卮泛水頻聚散幾時同羽化枯榮一夕任

天真錦江濯盡知何用雅素輸他白地茵

其十三

曉簾吹雨送教春眼底翩翩也快人浙瀝亂驚飛霰  
集淋漓深喜鍛翎頻覓銷巫女行應訝香盡花姨認  
豈真嗟余小窻耽睡穩正宜沾濕拾芳茵

其十四

庭花開謝已經春據几閒看惱殺人總爲瓊瑤堆忒  
重足知風雨墮來頻搏空似散九天女泛沼如迎太  
乙真咫尺銀灣消一瓣敢煩裁玉展爲茵



其十五

高樹花殘細雨春正如臨水送歸人  
波長玉女乘風  
易露冷妖姬下島頻巧帶芝雲閑  
赴峽亂携蕊笈欲  
歸真塵途淨洗西池杳聊借璇空  
作片茵

其十六

幾回惆悵可禁春一樹芳菲已謝人  
雨重梢梢垂欲  
折風掀瓣瓣落尤頻水深藍玉欣  
初擷珮老湘蘭苦  
不真苔面旋看愁正絕且憑香閣  
刺花茵

其十七

十日蹉跎負却春謾誇玉樹賞多人  
瑤華自惜摧殘  
易細靄寧辭點綴頻鶴載曉雲投子  
晉鷺窺斜雨避  
玄真名園開謝知餘幾未擬呼童  
掃素茵

其十八

幽齋款入畫圖春雨意花香兩解人  
池面照驚三月  
暮研頭亂點一時頻洗殘玉貌誰  
言夢濡盡霜毫欲  
寫真一徑旋看呈樣巧肯煩女校  
榻層茵

其十九

曉寒玉樹暗愁春頽倒何難共酒人  
夢入鶴輪沾雨



濕睡驚蝶翅趁風頻觀殘蕊沒從多假空冷香銷守  
一真莫把閑情問脩短夜涼和淚簇輕茵

其二十

素葩涼雨綴空春曉枕看宜白眼人幾陣互吹如戀  
別百迴分墜怨傷頻濺來銀甲看何異吸盡瓊漿遇  
始真莫恠摧殘重打拭醉中曾嘔相公茵

其二十一

幽姿璀璨百窠春綴眼懸眉巧媚人幾簇漸稀風受  
最萬條全擺雨噴頻垂蘭采玉嗟仙妾鉏水耕雲笑

子真一片沾苔心獨苦飛蟲可許敗吾茵

其二十二

長風浩渺蕩簷春夜館厭厭聽苦人起視濕花堆砌  
白暫停香雨滴晴頻經時巧織姿維澹一素難緇質  
自真滿眼芳菲非不惜羨他肥厚最堪茵

其二十三

高枝濯雨媚三春幾疊閑騫似傲人忽灑瓊簷驚瓦  
亂急趨墨沼襍鶯頻濤翔江浦娥浮白花放蘭亭本  
賺真瞥眼浮榮共水釋且尋幽夢托華茵



其二十四

雨微二月養花春急灑重催祇憎人况惹高枝牽恨  
遠轉傷多蕊送愁頻蘭摧共惜今偕古玉碎奚分僞  
與真獨喜沾泥同絮爛燕梁啣可作香茵

其二十五

名香燁燁吐芳春灑雨迷風合爽人幾日新粧閑洗  
就一天玉淚巧吹頻姿殘污徑猶含素色奪涼空欲  
返真莫倚東風寄遐想儘堪隨地作文茵

其二十六

閒門高擁落花春冒雨重探足訝人忽下白鷗追影  
疾旋堆濕蟻蝕香頻濯成素手纖相似灌盡冰壺傾  
亦真明日小晴期再往肯分半轂共帷茵

其二十七

把酒看花在在春轉驚芳樹惜閑人姿因付粉淋漓  
盡袖以裁綃蹴舞頻落鬼祗憐今日是飛揚誰信百  
年真西園紅紫新應爛并入青苔襍繡茵

其二十八

孤芳高出歷多春霜雪從堆飽看人豈是連宵遭雨




惡兼令侵曉着風頻歌殘玉樹徒生憶盼斷瓊花合  
有真忽遣一行來小榻夜闌香夢惱寒茵

其二十九

巧憑花事採餘春一雨淫淫抱杞人樹底濕驚香魄  
散枝頭懸戀玉顏頻鏡中掬塊知非想空裏拈花悟  
卽真玉箸嬌啼夜燈白試將縞袖拭新茵

其三十

百年景物豔生春幽事閒禁我輩人酒盞燈前酬更  
好詩筒馬上遞還頻訝聞玉樹摧風雨較好霜縑定  
假真過眼韶光嗟更疾轉看桃徑染紅茵



Blank vertical columns for text, typical of a traditional East Asian manuscript layout.



